



Finansirano sredstvima
Evropske unije



POZIV ZA

Stručnjaka/trenera za provođenje dvodnevne obuke za organizacije civilnog društva o identifikaciji žrtava trgovine ljudima i drugim ranjivim grupama, posebno osobama iz marginaliziranih grupa, djece u riziku, djece koja borave i rade na ulici te djeci bez pratnje i posebno ranjivim grupama u miješanim migracijama u sklopu projekta: „Glas organizacija civilnog društva u borbi protiv trgovine ljudima“

Aktivnost 5.7.3.1.4.- Trener za obuku o identifikaciji ; 2 osobe

Poštovani,

pozivamo vas da podnesete ponudu za pružanje usluge trenera za provođenje dvodnevne obuke za organizacije civilnog društva o identifikaciji žrtava trgovine ljudima i drugim ranjivim grupama, posebno osobama iz marginaliziranih grupa, djece u riziku, djece koja borave i rade na ulici te djeci bez pratnje i posebno ranjivim grupama u miješanim migracijama u sklopu projekta *Glas organizacija civilnog društva u borbi protiv trgovine ljudima* koji podržava Evropska unija.

Opis projekta kao i aktivnosti te odgovornosti angažovanog stručnjaka predstavljeni su u dokumentu u prilogu (opis usluge) koji čini sastavni dio ovog poziva.

Prijava na poziv treba sadržavati ponudu za pružanje usluge, kao i tri reference o predhodnom angažmanu na sličnim poslovima.

Prijave dostavite na e-mail sarajevo@mfs-emmaus.ba, do 14.11.2021. godine, sa naznakom prijava na poziv - Trener za obuku o identifikaciji - Aktivnost 5.7.3.1.4

OPIS USLUGE

Stručnjaka/trenera za provođenje dvodnevne obuke za organizacije civilnog društva o identifikaciji žrtava trgovine ljudima i drugim ranjivim grupama, posebno osobama iz marginaliziranih grupa, djece u riziku, djece koja borave i rade na ulici te djeci bez pratnje i posebno ranjivim grupama u miješanim migracijama u sklopu projekta: „Glas organizacija civilnog društva u borbi protiv trgovine ljudima“

Aktivnost 5.7.3.1.4.- Trener za obuku o identifikaciji ; 2 osobe

1. OSNOVNE INFORMACIJE

1.1. Projekat

Projekat „Glas organizacija civilnog društva u borbi protiv trgovine ljudima“ realizuje se uz podršku Evropske unije.

1.2. Geografsko područje projekta

Bosna i Hercegovina.

1.3. Naručilac usluga

Međunarodni forum solidarnosti – EMMAUS (MFS-EMMAUS)

1.4. Općenito o projektu

Fokus projekta je na sprječavanju trgovine ljudima i rodno utemeljenog nasilja u BiH i širem regionu jačanjem kapaciteta vlade BiH i relevantnih profesionalaca, kao i organizacija civilnog društva, te povećanje njihove ekspertize o pristupu borbi protiv trgovine ljudima u BiH usmjerenom na žrtvu. Jačanjem kapaciteta organizacija civilnog društva (OCD) u Bosni i Hercegovini (BiH) za razvoj politika, institucionalno praćenje i zaštitu ljudskih prava i prava žena u EU, posebno žrtava trgovine ljudima i rodno utemeljenog nasilja daje se podrška i osnažuju se OCD širom BiH da aktivno učestvuju u suzbijanju trgovine ljudima, uključujući jačanje njihovih unutrašnjih kapaciteta i organizacionih struktura kako bi se osigurala održivost u složenom BiH okruženju. Projekat pomaže ponovnoj uspostavi uloge organizacija civilnog društva (OCD) kao vitalnih za razvoj, vladavinu zakona, integraciju i pravdu. Obnovit će temeljne vrijednosti civilnog društva i njihove statutarne aktivnosti, te raditi na promovisanju i podržavanju tolerancije, solidarnosti i uzajamnog poštovanja u društvu, osiguravajući demokratsku konsolidaciju, socijalnu pravdu, poštovanje ljudskih prava, jačanje partnerstva između lokalnih vlasti i OCD -a; pružanje pomoći u rješavanju potreba građana, prije svega potreba žrtava trgovine ljudima, osiguravajući zaštitu ljudskih prava i vrijednosti EU.

1.5. Ciljne grupe projekta

Primarna ciljna grupa/korisnici su organizacije civilnog društva u Bosni i Hercegovini koje pripadaju dvjema kategorijama:

- (1) Organizacije civilnog društva uključene u aktivnosti na suzbijanju i borbi protiv trgovine ljudima, naročito one organizacije koje žrtvama pružaju sklonište i direktnu asistenciju, besplatnu pravnu pomoć, psihološku pomoć za žrtve-svjedoke te organizacije civilnog društva koje vode dnevne centre za djecu, osobito djecu koja žive i rade na ulici i u riziku su od trgovine ljudima te
- (2) Organizacije civilnog društva koje rade u srodnim oblastima kao što su rodno utemeljeno nasilje, ljudska prava, obrazovanje, mladi, građanska uključenost, jačanje i otpornost zajednica koji će uz obuku za borbu protiv trgovine ljudima doprinijeti naporima na smanjenju trgovine ljudima u rodno utemeljenom nasilju u BiH čime se direktno doprinosi podršci za:

- a) potencijalne i identifikovane žrtve trgovine ljudima;
- b) djecu i mlade u riziku od trgovine ljudima i rodno utemeljenog nasilja, uključujući maloljetnike bez pratnje i druge migrante pod rizikom a koji trenutno borave u BiH;
- c) druge ranjive osobe, marginalizirane i ugrožene grupe u BiH;

Sekundarna ciljna grupa projekta su Predstavnic i profesionalci relevantnih vladinih institucija i organa na svim nivoima vlasti u BiH koje se bave problematikom trgovine ljudima i aktivnostima suzbijanja rodno utemeljenog nasilja koja će imati koristi od povećanog učešća civilnog društva u aktivnostima na suzbijanju trgovine ljudima a što su:

- a) Državni koordinator za borbu protiv trgovine ljudima, Odsjek za borbu protiv trgovine ljudima pri Ministarstvu sigurnosti Bosne i Hercegovine,
- b) Udarne grupa za borbu protiv trgovine ljudima u BiH,
- c) Novouspostavljeni multidisciplinarni koordinacioni timovi za borbu protiv trgovine ljudima

1.6. Cilj, svrha i očekivani rezultati projekta

1.6.1. Opći cilj projekta

Sprječavanje trgovine ljudima u BiH i širem regionu, te unaprjeđenje kapaciteta relevantnih profesionalaca na identifikaciji žrtava trgovine ljudima, kao i pružanja kvalitetne pomoći. Projektom će se poboljšati multisektorska saradnja u rješavanju slučajeva trgovine ljudima, a posebno će koristiti novouspostavljenoj koordinacionoj strukturi gdje veći broj predstavnika institucija imaju ograničeno znanje i iskustvo da bi se nosili sa različitim aspektima trgovine ljudima. Poboljšanjem prikupljanja statističkih podataka vezanih za trgovinu ljudima, informacijama o realiziranim aktivnostima, trendovima trgovine ljudima i povezanom problematikom poboljšat će se mehanizam izvještavanja prema Državnom koordinatoru.

1.6.2. Svrha projekta

Projekat je usmjeren na:

- izgradnju i unaprjeđenje kapacitete OCD-a o suštinskim pitanjima vezanim za trgovinu ljudima i rodno utemeljeno nasilje;
- izgradnju i unaprjeđenje kapaciteta relevantnih državnih aktera za rješavanje problema trgovine ljudima i rodno utemeljenog nasilja koji je u skladu s međunarodnim standardima, propisima EU i nacionalnim zakonodavstvom kroz
- veće uključivanje OCD kao partnera u nizu procesa, kao što su identifikacija žrtava, upućivanje, zaštita i reintegracija, kao i mehanizmi i prakse razvoja politika i izvještavanja;
- stvaranje jače saradnju među profesionalcima u relevantnim tijelima i koordinacijskim timovima i OCD-ima kroz okupljanje na obukama i podizanjem kapaciteta za pomoć i zaštitu žrtvama;
- podizanje svijesti kroz kampanju namijenjenu javnosti u BiH i jačanje prevencije uspostavljanjem multimedijске platforme www.eurcenter.ba;
- upotrebu pod grantova da se podrže najmanje tri (3) OCD u podizanju finansijske stabilnosti, operativne strukture i održivosti;
- davanju doprinosa razvoju politike o suzbijanju trgovine ljudima izradom Izvještaja o praćenju politike čiji je cilj prvenstveno rješavanje nedostataka NRM -a;
- pružanje direktne pomoć žrtvama.

1.6.3. Očekivani rezultat projekta

Smanjenje trgovine ljudima u BiH i širem regionu, unaprjeđenje identifikacije žrtava trgovine ljudima, pružanja kvalitetne pomoći, jačanje kapaciteta predstavnika institucija BiH i profesionalaca, organizacija civilnog društva te unaprjeđenje njihove ekspertize u saradnji, izgradnji partnerstva i pristupu borbi protiv trgovine ljudima i rodno utemeljenog nasilja u BiH. Kao rezultat projekta, stanovništvo BiH će bolje razumjeti ulogu i odgovornost organizacija civilnog društva te će imati koristi od boljeg razumijevanja rizika koji dovode do trgovine ljudima.

2. DJELOKRUG RADA U SKLOPU UGOVORA

2.1. Opis posla i angažmana

Stručnjak se angažuje za realizaciju dvodnevne obuke za profesionalce o identifikaciji žrtava trgovine ljudima i drugim ranjivim grupama, posebno osobama iz marginaliziranih grupa, djece u riziku, djece koja borave i rade na ulici te potencijalnim žrtvama trgovine ljudima među izbjeglicama, tražiocima azila, maloljetnicima bez pratnje i drugim licima pod rizikom u okviru povećanih migracijskih tokova u Bosni i Hercegovini.

Sukladno navedenom stručnjak će:

- izraditi prijedlog sadržaja tematskog bloka i načina prezentacije iste prema učesnicima obuke,
- u konsultaciji sa drugim trenerom sačiniti nacrt dnevnog reda sa tematskim blokovima i konsultovati se sa timom MFS-EMMAUS-a o sadržaju, metodologiji i rasporedu,
- voditi tematske blokove obuke sa učesnicima,
- timu MFS-EMMAUS-a dostaviti izvještaj o provedenoj obuci.

2.2. Svrha ugovora

Svrha ovog ugovora je angažman stručnog lica u svrhu realizacije aktivnosti (navedenih pod stavkom 2.1).

2.3. Očekivani rezultati

Učesnici će kroz obuku unaprijediti znanja vezana za suzbijanje trgovine ljudima u smislu boljeg razumijevanja procesa identifikacije, indikatora i obaveze odgovarajućeg načina upućivanja potencijalnih i identificiranih žrtava trgovine ljudima u BiH za dalje pružanja pomoći.

Teme obuke uključuju različite aspekte: intervjuiranje potencijalnih žrtava, referalni postupci, potrebe za pravnom pomoći, razumijevanje viktimologije, komunikacija i uspostavljanje povjerenja, potrebe maloljetnika bez pratnje i postupke povezane s odgovarajućom pomoći, suradnja s drugim profesionalcima u okviru procesa i važnost uključivanja socijalnih usluga, medicinskih i pravnih profesionalaca u proces identifikacije i pomoći.

LOGISTIKA I ROKOVI ANGAŽMANA

2.4. Odgovorno tijelo

Međunarodni forum solidarnosti – EMMAUS (MFS-EMMAUS)
Ured u Sarajevu
Paromlinska 10,
71000 Sarajevo, BiH

2.5. Datum početka i trajanja angažmana

Angažman stručnog lica (pravno lice) traje od potpisivanja ugovora do 15. januara 2022. godine a po sljedećoj dinamici:

- do 1. decembra 2021. godine izraditi prijedlog sadržaja tematskog bloka i načina prezentacije iste prema učesnicima obuke i u konsultaciji sa drugim trenerom sačiniti nacrt dnevnog reda sa tematskim blokovima i konsultovati se sa timom MFS-EMMAUS-a o sadržaju, metodologiji i rasporedu,
- 14 i 15. decembra 2021. godine održati planiranu obuku,
- do 25. decembra 2021. godine timu MFS-EMMAUS-a dostaviti izvještaj o provedenoj obuci.

2.6. Ostali uslovi ugovora

MFS-EMMAUS neće snositi troškove nabavke opreme potrebne za realizaciju aktivnosti navedene u ugovoru, niti obezbjediti uredski smještaj za ugovorom angažiranu osobu.

3. ZAHTJEVI ZA REALIZACIJU USLUGA/POSLOVA DEFINIRANIH OVIM UGOVOROM

3.1. Kvalifikacije i vještine

- univerzitetska diploma studija Socijalnog rada ili srodne studijske oblasti, Kriminalistike, kriminologije i sigurnosnih studija, Pravnog fakulteta, studija Psihologije
- iskustvo rada u oblasti zaštite žrtava trgovine ljudima,
- dokazano iskustvo na istim ili sličnim poslovima;
- poznavanje zaštite ljudskih prava, osobito prava djeteta u oblasti trgovine ljudima,
- dobro poznavanje Državnog referalnog mehanizma u BIH i iskustvo u oblasti sprječavanja trgovine ljudima,
- državljanstvo Bosne i Hercegovine

4. REZULTAT

4.1. Obaveze po rezultatima

Izvršilac se obavezuje da će do 25. decembra 2021. godine izvršiti ugovorene obaveze a kako je definisano pod tačkom 2.5.

Naručilac se obavezuje izmiriti svoje obaveze prema izvršiocu po dokazu o izvršenja ugovorenih obaveza najkasnije do 15.januara 2022.godine.

5. POSEBNI ZAHTJEVI

Rad na projektu „Glas organizacija civilnog društva u borbi protiv trgovine ljudima“ je specifičan obzirom na povjerljive informacije koje se obrađuju. Uz potpisani Ugovor, izvršilac je obavezan potpisati da će poštivati sljedeće procedure: etički kodeks, politika zaštite djeteta, izjava o povjerljivosti podataka, politika za zaštitu od seksualnog iskorištavanja i zlostavljanja.

APLIKACIJSKI FORMULAR/FORMULAR ZA PRIJAVU

1. OPĆI PODACI KANDIDATA/PONUĐAČA

Ime i prezime	
Organizacija	
Adresa	
Telefon	
Fax	
E-mail	

2. FINANSIJSKA PONUDA

Neto ponuda na osnovu opisa usluge	
---	--

3. REFERENCE KANDIDATA/PONUĐAČA

Br.	Publikacija/provedene edukacije /treninzi/projekti	Organizacija	Kratak opis

- dodajte kolone ukoliko je potrebno

4. IZJAVA

Ja, dolje potpisani izjavljujem da sam upoznat sa obavezama kandidata/ponuđača u slučaju dodjele ugovora po ovom pozivu.

Ime	
Potpis	
Datum	